



UNIVERSITÄTS-
BIBLIOTHEK
PADERBORN

Corpus Juris Canonici

Gregor <XIII., Papst>

Coloniae Munatianæ, 1665

De Capellis Monachorum, & aliorum religiosorum. Titvlvs XXXVII.

[urn:nbn:de:hbz:466:1-62915](https://nbn-resolving.org/urn:nbn:de:hbz:466:1-62915)

allegavit ante omnia jus commune, quia cum constituta sit in diocesi Sabinen. sub ipsius debebat consistere potestate. In temporalibus quoque ad se dictam ecclesiam pertinere nitebatur ostendere per publicum instrumentum, in quo continebatur expressè i. Sabinen. Episcopum, H. Farben. a. Abbati, & duabus personis post ipsum, dictam ecclesiam cum suis pertinentiis locavisse pro annua quatuor solidorum Papien. pensione. Sed pars vestra proposuit, instrumento prædicto nullam fidem penitus adhibendam, propter superlinearem scripturam, & rasuram b loco suspecto factam, ubi videlicet annotatio temporis recensetur: [1 & infra.] Quia (igitur) nobis consistit, ecclesiam supradictam constitutam in diocesi Sabinen. Episcopale jus in omnibus spiritualibus eidem Episcopo adjudicavimus in eadem, illis tantum exceptis, quæ per authentica scripta ei dignoscuntur esse subtracta: & infra. Quia vero instrumentum prædictum, per quod Episcopus ecclesiam intendebat, quoad temporalia, vindicare, ad faciendam super hoc fidem invalidum esse cognovimus, utpote propter prædicta de jure suspectum, vos ab impetitione ipsius, quoad temporalia ejusdem ecclesiæ duximus absolvendos.

[1 fuit insuper ex ipsius Episcopi parte propositum, quod cum ab ecclesia S. Angeli nomine monasterii vestri multo tempore fuerit entia pensio ecclesia Sabinen. soluta, manifeste liqueret ad ecclesiam eandem, a qua locato facta fuerat jure proprietario permissa. Ad hoc autem procurator respondebat prædictus, quod est quidem insuper vidisse deponant ecclesiam S. Angeli pensionem 4. sit Sabinen. Episcopo perfoluisse, nullum tamen ex hoc monasterio vestro potest præjudicium generari, cum non appareat pensionem ipsam ex parte monasterii fuisse solutam: & quoniam etiam ipsi assertant se vidisse multoties prætaxatam pensionem exsolvi, non tamen ostenditur tanto tempore præstita, quousque ad præscriptam legitimam porrigitur. Item sicut ad res proprietatem locatis facta non sufficit, ita nec solutio, nec perceptio pensionis. Huiusmodi & alia intellectus.]

CAP. VIII.

Monasterium subiectum est Episcopo, in cuius diocesi situm est, nisi prætor exemptum, h. d. quoad titulum.

Idem.

Cum dilectus e filius: & infra. Quia causa non poterat in nostra presentia terminari, cum nuncius monasterii super procuracione vel ratihabitione literas non haberet, eam vestro duximus examini committendam, mandantes quatenus si consisterit Abbatem ad sedem Apostolicam antequam Episcopus in eum suspensionis vel excommunicationis, & in monasterium interdicti sententias tulerit, legitime appellasse, vel monasterium a jurisdictione Episcopi ejusdem exemptum: eo non obstanti quod Abbas ab eo circumventus præter fratrum suorum assensum ei obedientiam repromisit (cum fraus & dolus ei patrocinari non debeant) iudicetis illas sententias non tenere: Quod si Abbas in exemptionis probatione defecerit, nec legitima se poterit præscriptione tueri: licet probet se ante prædictas sententias appellasse: nihilominus tamen monasterium iudicetis Auri. ecclesiæ subiacere, in cuius diocesi fundatum d. Similiter eo in probatione appellacionis deficiente, si vobis consisterit de exemptione vel legitima præscriptione: tam Abbatem, quam monasterium ab impetitione Episcopi absolvatis.

CAP. IX.

Novam religionem non licet constituere sine auctoritate Rom.

a Fasfen. b Vid. inf. & Dec. in l. si. C. de edict. div. Had. vol. a Alexan. conf. 39. incipi. visio processu. in 2. volumine. & Felin. in c. ex literis. de fid. injur. c Ca. 2. eod. tit. in 4. compilat. vid. Hyl. & Henr. Bach. d Sittum.

Pont. Nec in diversis monasteriis potest quis esse Abbas vel Monachus, sic principaliter summatur, licet plura dila habeat.

Idem in concilio generali a.

NE nimia b religionum diversitas, gravem in ecclesiam Dei confusionem inducat, firmiter prohibemus, ne quis de cætero novam c religionem inveniat: sed quicumque ad religionem converti voluerit, unam de approbatis assumat. Similiter, qui voluerit religionem domum de novo fundare, regulam & institutionem accipiat de approbatis. Illud etiam prohibemus, ne quis in diversis monasteriis, locum Monachi habere præsumat, nec unus Abbas pluribus monasteriis præsidere.

DE CAPELLIS MONACHORVM & aliorum religiosorum.

TITVLVS XXXVII.

CAP. I.

Ad curam monasterio subiectam non Monachi, sed seculares clerici præstentur, & Episcopo subiant.

Urbanus III.

IN ecclesiis ubi Monachi habitant d, populus per Monachum non regatur: sed capellanus, qui populum regat, ab Episcopo per consilium Monachorum instituitur, ita ut ex solius Episcopi arbitrio tam ordinatio ejus, quam depositio, & totius vitæ pendeat conversatio.

CAP. II.

Si ecclesia non cathedralis vendicat sibi jus in alia ecclesia, obtinebit solum quoad ea, que probatur sibi deberi præscriptione, vel alio legitimo modo. hoc dicit, secundum communem & verum intellectum.

Innocentius III. Archipresbytero & clericis sancta Cecilia.

Dilectus e filius M. syndicus ecclesiæ vestræ ab Oeconomo sancti Laurentii de Piscinula, in scrutiniis, baptismate, & capitulis, & similibus subjectionem postulans, possessionum & petitorium intentabat. Cum enim ecclesia sancti Laurentii sit in parocia vestra sita, debet de jure communi ecclesiæ vestræ in prædictis omnibus subiacere: quia nec privilegium exemptionis habet, nec præscriptionem pro se poterat allegare, cum illa ecclesia sanctæ Cecilie præscripsisset, sicut per testes dicebat legitime comprobatur. Præterea cum coram C. Papa prædecessore nostro super prædictis inter vestram & prædictam ecclesiam quaestio verteretur, M. Presbyter ejusdem ecclesiæ fuit sponte confessus f, quod ecclesiæ sanctæ Cecilie scrutinium & baptismata debebat. Cumque pars vestra testes, qui se illum diversis temporibus ad capitulum vocasse, ipsumque venisse assererent, in medium produxisset: eis jurare paratis, prædictus Presbyter se vocatum ivisse ad capitulum est confessus. Vnde prædictus prædecessor noster ecclesiam vestram capitulo, quo se conquesta fuerat spoliata, salvo jure proprietatis ecclesiæ sancti Laurentii revertere curavit, sicut in ejus literis continetur: per hoc ergo proprietatem, quoad scrutinium & baptismata, & possessionem, quoad capitulum, vestre voluit syndicus comprobare. Ad hæc g sancti Laurentii Oeconomi ex ad-

a Concil. generale. Lateran. sub Innoc. III. c. 13. & C. 3. eod. tit. in 4. compil. b Religiosis. c Vid. Cardm. con. 39. incipit in aliquibus locis, & Felin. in ca. ecclesia Maria. sup. de consuet. ca. un. eod. tit. in 6. comp. d Cap. 1. eod. tit. in 1. comp. vid. conc. Trid. sess. 23. tit. de regul. tit. 11. Adde gl. & Archidiacono. 16. q. 2. in summa. e Cap. 1. eod. tit. in 3. compilat. vid. Henric. Boch. hoc 19. cap. f Vid. leg. 1. C. de confess. Bart. in l. certum. & sed ante 19. ff. de g Ad hoc.



verso respondit, quod ecclesia illa a nullo medio ad Romanam ecclesiam pertinebat. Cum enim monasterium monialium fuerit, & generaliter fervetur in urbe, ut nullum monasterium titulo sit subiectum: incongruum videbatur ut regulares secularibus supponantur: præterea usque hodie nos in ea institutionem & destitutionem liberam exercemus: [1 & infra.] Nos igitur auditis propositis Oeconomum sancti Laurentii syndico vestro in baptismo & scrutinio condemnamus, ita ut per hoc ecclesia Romana nullum præiudicium generetur, si quando forte jus suum duxerit prosequendum. In institutione autem & destitutione & capitulo Oeconomum ipsum ab impetitione syndici vestri prorsus absolvimus, syndico vestro super hoc perpetuum silentium imponentes.

[1 Cum & bo. me. C. Pp. p. n. dilecti. fil. M. scriptorem, nunc Archiepiscopum, in ea sine cuiuslibet contradictione statueret. Sicut ergo ecclesiam ipsam liberam & in possessione libertatis existeret, illius velut Oeconomus comprobare. Cum ergo pro ea faciat jus commune, in eo videlicet quod universa monasteria voluit ad Romanam ecclesiam nullo mediante pertinere, unde affirmanti contrarium, fides non est aliquatenus adhibenda, nisi super hoc privilegium induerit specialia. Quod autem dicitur in parochia vestra sita, idem Oeconomus penitus denegavit: sed si hoc verum esset, sufficienter satis se poterat prædita ratione tueri. Confessio autem M. Presbyteri super scrutinio & baptismo eiusdem ecclesia præiudicare non poterit, cum super his inconstans in eiusdem pr. n. presentia non fuisset, sicut ex forma petitionis & conclusionis apparet: hac autem sententia non fuit habitus ecclesia vestra usque, sed eam duxerat usque ad hac tempora supprimendam.]

CAP. III.

In prioratibus Monachorum non possunt singuli Monachi commorari, etiam si super hoc habeant rescriptum Apostolicum, nisi in illo fiat mentio de Lateranensi concilio.

Honorius III. Episc. Venetens.

EX parte tua fuit propositum: [1 & infra.] Abbas & conventus de Riven. Venetens. diocesis occasione literarum Apostolorum. sed. adherent sibi esse concessum, ut in singulis ipsorum prioratibus singuli Monachi commorentur, si plures facultates non supererunt eorundem. Cum autem id obviet Lateranensi concilio c. de quo nulla mentio est in literis ante dictis, fraternitati vestre breviter respondemus, quod huiusmodi literas ab Apostolorum. sed. non credimus emanasse. Quod si per occupationem forsitan emanaverint, nolumus per hoc derogari concilio supra dicto.

[1 Quod conquirentibus olim Abbate & conventu Riven. Naneten. diocesis: quod tu compellere videbatur eosdem ut instituerent plures Monachos in quibusdam suis prioratibus tue diocesis, in quorum singulis singuli Monachi habitus steterunt, cum pluribus facultates non sufficiant eorundem. Nos Abbati S. Albini Andegaven. & collegii eius per nostras dedimus in mandatu, ut de ipsorum locorum facultatibus inquirentes, in eorum singulis facerent plures institui Monachos, si plures eorum sufficiant facultates. Aliter tibi auctoritate nostra tubiderent, ne Abbatem & conventum prædictos molestares super instituendis pluribus in eisdem. Vnde idem.]

CAP. IV.

Ordinarius compellit Abbatem, ut Monachos a prioratibus revocet ad claustrum, vel eis socios adiungat.

Idem Burdegalem. Archiepisc.

AD audientiam nostram pervenit, quod nonnulli Monachi lege tibi præcæsa subiecti, in quibusdam prioratibus habitant solitarii, contra statutum gene-

a Ipsa. b Rivenens. al Riven. & infra Naneten. c Later. concil. sub Alexand. III. c. 10. refertur supra de stat. Monach. ca. Monach.

ralis concilii a. Ideoq; mandamus, quatenus ipsorum Abbates seu priores, ut vel ipsos ad claustrum & revocent, facientes in ipsis ecclesiis deserviri per clericos seculares: vel alios Monachos eisdem ad sociem, cum quibus vitam possint ducere regularem, monitione præmissa, per censuram ecclesiasticam compellas.

DE IVRE PATRONATUS.

TITVLVS XXXVIII.

CAP. I.

Si propter discordiam patronorum ecclesia caret administratione, cessatur in ecclesia a divinis, tolluntur reliquia, & ostia clauduntur, si alter sine scandalo ecclesia providere non potest. hoc dicit, cum cap. sequens.

Ex concilio Mediolanensi c.

PERlatum est: [1 & infra.] Nobis visum est, quod ecclesia inter hæredes patroni dividi non debet. Et si similitates interfuerint, propter quas faciendo suo ibi officio canonicè fungi non possit: si alter providere non poterit, præcipitur ab Episcopo, ut nullo modo ibi missarum solennia celebentur, donec ad concordiam redeant, & ecclesia sacerdotem canonicè habeat, qui liberè suum ministerium valeat exercere.

[1 Ad S. synodum, quod inter hæredes ecclesia in rebus propriis constituta dividantur, & tanta per eandem divisionem simul serventur, ut de uno alteri quatuor partes fiant, & singula partes singulis habeant Presbyteros, quod sine discordia & similitudo in modo fieri potest. Vnde.]

CAP. II.

Summatum est in cap. proximo.

Ex concilio Triburienfi d.

Quæcunq; ecclesia: [1 & infra.] Si contingat pro ecclesia diffidere patronos, ut eam nolint sub uno Presbytero procurari, Episcopus (si aliter non poterit ipsi consulere) tollat inde reliquias, atque eisdem ecclesie claudat ostia: ut sacrum mysterium nullus in ea celebret, ante quam unum eligant Presbyterum, qui factio sancta sit idoneus procurare.

[1 A pluribus coheredibus sit possessa, concordia unanimitate unicusq; procuretur, ne propter aliquas discrepationes servitium Dei minuat, & cura populi irreligiose agatur.]

CAP. III.

Si patroni in presentando discordant, præsertim præsentia maiori parte, si est idoneus: & si hoc sine scandalo fieri non potest, vel patroni intra tempus debitum non presentant, Episcopus ordinabit ecclesiam.

Ex concilio Lateran. g.

Quoniam in quibusdam locis fundatores ecclesiarum, aut hæredes eorum potestate, in qua ecclesia hucusque sustinuit, abutuntur: & cum una ecclesia unus debeat esse rectoris, pro sua dissensione & plurimos representant. Præsentia decreto statuimus, ut si forte in plures partes i fundatorum se vota diverserint, ille præficiatur ecclesie, qui maioribus iuravit meritis, & plurimorum eligitur, & approbatur adfensu. Si autem hoc sine scandalo esse & nequiverit, ordinet

a Quod citatur supra C. præcedenti. b Claustra. c In omnibus antiquis: Mediomatricum. Burhard. lib. 3. decret. ca. 41. & c. 1. eod. tit. in 1. compil. 1. 1. p. 3. c. 46. habet ex concil. Mediomatricensi ca. 10. extat tamen hoc decret. in concil. vulgari in synodo Cabilonensi secunda, habita sub Imperat. Carolo Magno cap. 26. d. Concil. Triburienfi. c. 32. Burhard. lib. 3. decret. c. 724. 1. 1. p. 3. c. 282. & c. 2. eod. tit. in 1. compil. c. al. ordinari. f. al. Ministerium. quod hic agnovit Histens. g. Sub Alexand. III. ca. 17. & cap. 4. eod. tit. in 1. compil. h. al. defensione. al. dispersione. i. al. personis. k. Vid. Lambert. tract. de iur. patr. art. 4. quæst. 1. p. 2. lib. 2.

